

Матфея 25 бөлг.

1. Бурхна Теңгрин орн-нутг арвн күүкдлэ эдл. Эдн эврэннь шаман авад, күргэн тосхар харцхав.
2. Арвн күүкдэс тавнь цецн билэ, тавнь тоолвр уга билэ.
3. Тоолвр уга күүкд эврэннь шаман авад, тос авсн уга бээж.
4. Цецн күүкд шамта хамдан савдан тос авцхаж.
5. Күргн уданар ирлго бээж, тегэд күүкд нөөрмлэд унтж оч.
6. Сөөннь өрөллэ хээкрлһн соңсгдв: «Күргн аашна! Өмнэснь харцхатн!»
7. Тиигхлэ цуһар күүкд босад эврэннь шаман ясцхав.
8. Тоолвр уга күүкд келцхэв : «Тоснасн маднд өгтн, яһад гихлэ, мадна шам унтржана!»
9. Цецн күүкд келцхэв : «Танд чигн, маднд чигн дуту бичэ болтха гинһэд йовад бийдэн тос хулдж автн.»
10. Тоолвр уга күүкд хулд кехэр йовцхав, тер цагт күргн ирв, цецн күүкд белн билэ, эдн хамдан хүрмин нээрт орцхав, үүдн хаагдв.
11. Терүнэ хөөн үлдсн күүкд келцхэв «Зерг! Зерг! Маднд сек!»
12. Эн теднд хэрү өгв : «Үнинь таднд келжэнэв! Би тадниг меджэхшүв!»
13. Тегэд белн болтн, яһад гихлэ Күмни Көвүн ямаран өдрлэ, часла ирхинь тадн медж чаджахшит.
14. Яһад гихлэ Тер күүнэ һазрур йовжах күн кевтэ, эврэннь мухлаһан дуудад, теднд герт бээсэн даалһх.
15. Негнднь тавн талант өгв, хойрдгчднь- хойр талант өгв, дарукднь - негиг. Күн болһнд терүнэ чидлэрнь өгч. Дарунь хаалһд ач һарад йовж одв.
16. Тавн талант авснь — мөңгэн көдлмштэн орулв, деерэснь дэкэд тавн талант немэд авч.
17. Тиим кевэр хойр талант авснь дэкэд тавн талант авчх.
18. Нег талант авснь терүгэн һазрт булв, эзнэннь цаһан мөңг бултулчкв.

19. Дала цаг давж одсн хөөн тер мухласин эзн теднэс тооца некжэнэ.
20. Тавн талант авснь өөрдэд талдан тавн талант авч ирэд келв : «Эзн! Чи нанд тавн талант өглэч. Би тер мөнгэр дэкэд тавн талантар олз келэв.»
21. Терүнэ эзн энүнд келв : « Сэн цаһан седклтэ болн үнн чикэр бээдг мухла! Чи үнн чикэр бичкн кергт орлцад күцэвүч, тегэд кесг улс толһалх чамд зөв өгнөв. Эврәннь эзнтәһэн байрл!»
22. Хойр талант авснь өөрдэд келв: «Эзн! Чи нанд хойр талант өглэч. Би тер мөнгэр дэкэд хойр талантар олз келэв.»
23. Эзнэ терүнд келв : «Сэн, цаһан саната болн үнн чикэр бээдг мухла! Чи үнн чикэр бичкн кергт орлцад күцэвүч, тегэд чи дала эмтнэ толһач болхч. Эврәннь эзнтәһэн байрл!»
24. Нег талант авснь өөрдэд келв: «Эзн! Чамаг догшн күн гиж би медлэв. Тэрэ хуранач, зуг терүг тэрсн угач, цацсн уга болвчн - хуранач.
25. Би эәһэд тер нег талантан һазрт бултулчклав. Эн чини - чамд.»
26. Терүнэ эзн энүнд хэрү өгв: «Хар саната болн залху мухла! Эс тэрсн һазрт би урһц ахулнав, эс цацсн һазрас тэрэ хуранав, чи терүгинь медлэч.
27. Тиигхлэ чи мини цаһан мөңг сольдг күүнд өгх зөвтэ билэч, би ирж олзан авх билэв.
28. Энүнэс талантинь авад, талдан арвн талантта күүнд өгтн.
29. Яһад гихлэ бээснднь өггдх болн немгдх, угаһаснь бээсинь күчэр авгдх .
30. Тус уга мухлаг һазак харһуд һарһж хайтн! Терүнд уульһн болн шүд хэврлһн болх.» Энүнэ хөөн Иисус зарлв: «Соңсхин төлэ чикн бээхлэ -соңстн!»
31. Күмни Көвүн цуг эрүн зарцнртаһан Тенгрин туурмжд ширэлхж суухла,
- 32.Терүнэ өмн цуг келн- эмтн цуглрх. Ямаран кевэр хөөч эврәннь хөөдөн ямадас салһна, тиигж эмтиг йилһх.
33. Хөөдиг Бийэсн барун хажуд тэвх, ямадыг - зүн хажуд.
34. Тиигхлэ Хан Бийэснь барун хажуд бээснднь келх: « Мини Эцкэс эдс авсн ирцхэтн, экнэс таднд белдсн Бурхна Тенгрин орн-нутгин зөөр эдлтн.

35. Яһад гихлэ Би өлсүв - тадн хот Нанд өглэт. Ундасен цагт – тадн Нанд ус өглэт, һазр эргэд ирхлэм – тадн Намаг орулж авлат.
36. Нүцкн билэв – тадн хувц Нанд өгвт. Гемтэ билэв – тадн Нанур золһж ирлэт. Түүрмд билэв - тадн Нан тал ирлэт.»
37. Тиигхлэ Бурхна заһаһар бээдг эмтн Терүнд келв : «Деед Эзн! Кезэ мадн өлссн Таниг үзэд, хот өглэвидн? Ундасад йовсн Танд – ус өглэвидн?
38. Кезэ мадн Таниг һазр эргэд ирхлэтн орулж авлавидн? Нүцкн бээсн цагт хувцлавидн?
39. Кезэ мадн Таниг түүрмд эс гиж гемтэ бээсн цагт — Танур ирсмб?»
40. Хан теднд хэрү өгх : «Үнэр келжэнэв ! Тадн аһнр дундас нег ахдм оньган өглэт. Нанд дөңгөн күрглэт» - гиж Би тоолдув.
41. Зүн хажуд бээснд Хан келх: «Харалгдсн, Нанас цааран йовтн, эрлгт болн терүнэ нөкднрт белдчксн тамин һалд одтн,
42. яһад гихлэ: «Би өлсүв – тадн хот Нанд өгсн угат. Ундасен цагт — тадн Нанд ус өгсн угат.
43. һазр эргэд ирхлэм - тадн Намаг орулж авсн угат. Нүцкн билэв – хувц өгсн угат. Түүрмд болн гемтэ бээсн цагт – тадн Нанур золһж ирсн угат.»
44. Тиигхлэ зүн хажуд бээсн улс Терүнд келх: «Деед Эзн! Кезэ мадн өлссн, ундасж йовсн, һазр эргэд ирсн, нүцкн, гемтэ, түүрмд бээсн Танд нөкд эс болувидн?»
45. Тегэд Эн теднд хэрү өгх : «Үнэр таднд келжэнэв: тадн нег бичкнд дөңгөн күргсн угат, тиигхлэ Нанд чигн нөкд болсн угат.
46. Тегэд эдн мөнк зовлнгд тусх, Бурхна заһаһар бээдг улс мөнк жирһлд орх.»